

💵 হাদীস সম্ভার

হাদিস নাম্বারঃ ৯৩

১/ ঈমান

পরিচ্ছেদঃ জ্বিন ও শয়তান জগৎ

আরবী

عَنْ أَبِيْ السَّائِبِ مَوْلَى هِشَامِ بِنِ زُهْرَةَ أَنَّهُ دَخَلَ عَلَى أَبِي سَعِيد الْخُدْرِيّ فِي بَيْتِهِ قَالَ فَوَجَدْتُهُ يُصَلِّى فَجَلَسْتُ أَنْظَرُهُ حَتَّى يَقْضِى صَلاَتَهُ فَسَمِعْتُ تَحْرِيكًا فِي عَرَاجِينَ فِي نَاحِيةِ الْبَيْتِ فَالْتَفَتُ فَإِذَا حَيَّةٌ فَوَتُبْتُ لِأَقْتُلَهَا فَأَسَارَ إِلَى أَنْ اجْلِسْ فَجَلَسْتُ فَلَمَا انْصَرَفَ أَشَارَ إِلَى بَيْتِ فِي الدَّارِ فَقَالَ أَثَرَى هَذَا الْبَيْتَ فَقُلْتُ نَعَمْ قَالَ كَانَ فِيهِ فَتَى مِنَّا انْصَرَفَ أَشَارَ إِلَى بَيْتِ فِي الدَّارِ فَقَالَ أَثَرَى هَذَا الْبَيْتَ فَقُلْتُ نَعَمْ قَالَ كَانَ فِيهِ فَتَى مِنَّا حَديثُ عَهْد بِعُرْسٍ قَالً _ فَخَرَجْنَا مَعَ رَسُولِ اللهِ عَلَيْ إِلَى الْخَنْدَقِ فَكَانَ ذَلِكَ الْفَتَى مَنَّا اللهِ عَلَيْ خُدْ عَلَيْكَ سِلاَحَكُ فَإِنِي أَخْشَى عَلَيْكَ قُرَيْظَةَ فَأَخَذَ الرَّجُلُ سِلاَحَةُ ثُمَّ رَجَعَ فَإِذَا اللهِ عَلَيْ خُدُ عَلَيْكَ سِلاَحَكُ فَإِنِي أَخْشَى عَلَيْكَ قُرَيْظَةَ فَأَخَذَ الرَّجُلُ سِلاَحَةُ ثُمَّ رَجَعَ فَإِذَا اللهِ عَلَيْ خُدُ عَلَيْكَ سِلاَحَةُ ثُمَّ رَجَعَ فَإِذَا الْمَالَقُونَ الْبَابَيْنِ قَائِمَةً فَأَهُوى إِلَيْهَا الرُّمْحَ لِيَطْعَنَهَا بِهِ وَأَصَابَتْهُ غَيْرَةٌ فَقَالَتْ لَهُ اكُفُقْ المَالِيقِةِ عَلَى الْفِرَاشِ قَالُو لَا الْبَيْتَ حَتَّى تَنْظُرَ مَا الَّذِى أَخْرَجَنِى فَدَخَلَ فَإِذَا لِحَيْتِ عَظِيمَةٍ عَلَيْكَ رُمْحَكَ وَادْخُلُ الْبَيْتَ حَتَّى تَنْظُرَ مَا الَّذِى أَخْرَجَنِى فَدَخَلَ فَإِذَا لِحَيْقَةٍ عَظِيمَةٍ عَلَيْكُ رُمْحَكَ وَادْخُلُ الْبَيْتَ حَتَّى تَنْظُرَ مَا اللّهَ يُحْيِيهِ لَنَا قَقَالَ اسْتَغْفُرُوا لِصَاحِبِكُمْ ثُمَّ قَالَ إِنَّ مَلْكُونَ الْكُمْ بَعْدَ ذَلِكَ اللهَ يُحْيِيهِ لَنَا فَقَالَ اسْتَغْفُرُوا لِصَاحِبِكُمْ ثُمَّ قَالَ إِلَى اللّهَ يُحْيِيهِ لَنَا فَقَالَ السَّتَغْفُرُوا لِصَاحِبِكُمْ ثُمَّ قَالَ إِلَى الْمَدِينَةِ جَنَّا قَدْ أَسُلُمُوا فَإِذَا رَأَيْتُمْ مَنْهُمْ شَيْئًا فَآذِنُوهُ ثَلاَثَةَ أَيَّامٍ فَوْلُ الْكُمْ بَعْدَ ذَلِكَ لَكُمْ وَلَيْ الْمُسَانَ الْكُمْ الْمُولَ فَإِذَا رَأَيْتُمْ مَنْهُمْ شَيْلًا فَآذِنُوهُ ثَلَاثَةَ أَلَالُهُ مُ الْكُمْ الْكُمْ الْكُمْ الْكُمْ الْكُولُ الْمُ الْمُولَ الْمُولِ الْمُعَلِّ الْمُولِ الْمُل

বাংলা

(৯৩) একদা আবুস সায়েব আবূ সাঈদ খুদরী (রাঃ) এর নিকট তাঁর বাড়িতে গেলেন। দেখলেন, তিনি নামায পড়ছেন। তিনি বলেন, আমি তাঁর নামায শেষ হওয়ার অপেক্ষা করতে লাগলাম। ইত্যবসরে বাড়ির এক প্রান্তে (ছাদে লাগানো) খেজুর কাঁদির ডালগুলিতে কিছু নড়া-সরা করার শব্দ শুনতে পেলাম। দৃষ্টি ফিরিয়ে দেখি, একটি সাপ। আমি লাফিয়ে উঠে তা মারতে উদ্যত হলাম। কিন্তু তিনি আমাকে ইশারা করে বললেন, 'বসে যাও।' সুতরাং



আমি বসে গেলাম। অতঃপর নামায শেষ হলে তিনি আমাকে বাড়ির ভিতরে একটা ঘর দেখিয়ে বললেন, 'এ ঘরটা দেখছ?' আমি বললাম, 'জী।'

তিনি বললেন, 'এ ঘরে আমাদেরই একজন নব্য বিবাহিত যুবক ছিল। আমরা রাসূলুল্লাহ সাল্লাল্লাহু আলাইহি ওয়াসাল্লাম এর সাথে খন্দকের প্রতি বের হয়েছিলাম। সেই যুবক দুপুরে রাসূলুল্লাহ সাল্লাল্লাহু আলাইহি ওয়াসাল্লাম এর নিকট অনুমতি নিয়ে নিজ বাসায় ফিরত। সে একদিন তাঁর নিকট অনুমতি নিল। তিনি বললেন, তুমি তোমার অস্ত্র সঙ্গে নাও। তোমার প্রতি কুরাইযার আশঙ্কা হয়।

সুতরাং সে নিজ অস্ত্র নিয়ে বাসায় ফিরল। দেখল তার (নতুন) বউ দরজার দুই চৌকাঠের মাঝে দাঁড়িয়ে আছে। সে ঈর্ষান্বিত হয়ে বর্শা তুলে তাকে আঘাত করতে উদ্যত হল! তার স্ত্রী তাকে বলল, 'আপনি আপনার বর্শা নিবারণ করুন। বাসায় প্রবেশ করুন, তাহলে দেখতে পাবেন, কে আমাকে বের করেছে?'

সুতরাং সে বাসায় প্রবেশ করে দেখল, একটি বৃহদাকার সাপ বিছানায় কুণ্ডলী পাকিয়ে শুয়ে আছে! অতএব সে বর্শা দিয়ে আঘাত করে তাকে গেঁথে ফেলল। অতঃপর কক্ষ থেকে বের হয়ে বাড়ির (মাটিতে) বর্শাটিকে গেড়ে দিল। তৎক্ষণাৎ সাপটি ছট্ফট্ করে লাফিয়ে উঠে তার উপর হামলা করল। অতঃপর জানা গেল না যে, কে আগে সত্বর মারা গেল; সাপটি, নাকি যুবকটি?

আমরা রাসূলুল্লাহ সাল্লাল্লাহ্ আলাইহি ওয়াসাল্লাম এর নিকট গিয়ে এ ঘটনা বর্ণনা করলাম এবং বললাম, 'আপনি আল্লাহর কাছে দু'আ করুন, যাতে তিনি ওকে বাঁচিয়ে তোলেন।' তিনি বললেন, তোমরা তোমাদের সঙ্গীর জন্য ক্ষমা প্রার্থনা কর। অতঃপর বললেন, অবশ্যই মদীনায় কিছু জ্বিন আছে, যারা মুসলিম হয়েছে। সুতরাং তাদের কাউকে (সর্পাকারে) দেখলে তাকে তিন দিন সতর্ক কর। অতঃপর উচিত মনে হলে তাকে হত্যা কর। কারণ সে শয়তান।

ফুটনোট

(মুসলিম ৫৯৭৬)

হাদিসের মান: সহিহ (Sahih) পুনঃনিরীক্ষিত

পাবলিশারঃ ওয়াহীদিয়া ইসলামিয়া লাইব্রেরী

🚨 হাদিসবিডির প্রজেক্টে অনুদান দিন